

*Alexandria & Troas* duæ essent minoris Phrygiæ urbes. Inferius verò postquam narravit Ilium, pagus cum antea esset, ab Alexandro fuisse ornatum & instauratum, urbisque nomine donatum, addit: Μετὰ δὲ τὴν ἐκείνης τελευτὴν, Λυσίμαχος μάλιστα τῆς πόλεως ἐπεμελήθη, καὶ νεὼν κατεσκεύασε καὶ τείχος περιβάλετο ὅσον τετραγώνια σταδίων. συγκρίσῃ τε εἰς αὐτὴν τὰς κύκλῳ πόλεις ἀρχαίας, ἥδη κακακωμέναις: *post ejus mortem, Lysimachus potissimum urbis curam suscepit, templumque in ea condidit, & muro urbem cinxit quadraginta circiter stadiorum. Tum eam incolis instruxit ex urbibus finitimis antiquioribus & jam collapsis. Quæ exscribenda ratus sum, ne quis cum Ilio misceat Alexandriam; quod nonnulli fecerunt, ut postea ostendam.* Subdit de Alexandria Strabo: ὅτι καὶ Ἀλεξάνδρειας ἡδη ἐπεμελήθη, συνωκισμένης μὲν ἡδη ὑπ' Ἀντιγόνης καὶ καλεμένης Ἀντιγονίας, μεταβαλέσσης δὲ τὸνομα· ἔδοξε γὰρ εὐλαβὲς εἶναι τὴν Ἀλεξάνδρον ἀφ' ἧς ἀποκαλεῖται, ἐκείνης πρότερον κτίσιν ἐπωνύμιος πόλεις, εἰδ' αὐτῶν καὶ δὴ καὶ συνωκισμένη καὶ ἀύξησιν ἔλαβε, νῦν δὲ καὶ Ῥωμαίων ἀποικίαν δέδεκται, καὶ ἔστι τῶν ἐλλογίμων πόλεων: *Quo tempore Alexandriam etiam curaverat, cum jam esset ea incolis instructa ab Antigono & Antigoniam vocaretur, mutato nomine; nam prius visum fuerat Alexandri successoribus condere urbes, quæ nomen ab eo acceperant; deinde quæ ab ipsis. Itaque hæc urbs duravit, & aucta est, nunc verò accepit etiam coloniam Romanam, estque inter illustres urbes.* Dein ad Ilium redit, ejusque urbis fata exponit. Sæpe postea Troadem simpliciter Alexandriam vocat. Livius Lib. xxxv. c. 42. de Antiocho: *Tres eum civitates tenebant, Smyrna, & Alexandria Troas, & Lampascus, quas neque vi expugnare ad eam diem poterat, neque conditionibus in amicitiam perlicere &c.* Meminit etiam *Alexandriæ* Troadis Lib. xxxvii. c. 35. Plinius pariter Lib. v. c. 30. *Troadis, inquit, primus locus Amaxitus, dein Cebrenia, ipsaque Troas, Antigoniam dicta, nunc Alexandria Colonia Romana.* Stephanus Byzantinus, inter octodecim Alexandrias, secundam hanc memorat: δευτέρα ἔστι πόλις Τροίας: *secunda est urbs Troadis.* Subdit: ἐν ἡ ἐγένετο Ἡγήμων ἐποποιός, ὃς ἐγραφε τὸν Λευκίτρον πόλεμον: *in qua natus Hegemon, Epicus poeta, qui Leuëtricum bellum scripsit.* Hæc cum ita sint, mirum est hunc ipsum Stephanum (si modò ipsius sint, non exscriptorum verba) sic postea de Troade loquutum: ΤΡΩΙΑΣ, ἡ χώρα τῆς Ἰλίου, ἡ ἐκαλεῖτο Τευκρίας καὶ Δαρδανία καὶ Ἑάνθη τὸ ἐθνικὸν Τρωάδους· ἐνέειθεν ἦν καὶ Ἡγησιάνης γραμματικὸς γράψας περὶ τῆς Δημοκρίτου λέξεως βιβλίον ἐν, καὶ περὶ ποιητικῶν λέξεων ἦν δὲ Τρωάδους. *TROIAS, regio Ilii, quæ vocabatur Teucris & Dardania, & Xanthe. Gentile est Troadeus. Hinc erat Hegesianax Grammaticus, qui scripsit de dictione Democriti librum unum, & de vocibus poetiis; erat autem Troadeus.* Non dicam Τρωάς potius esse legendum, quod alii observarunt; sed mirum eum non meminisse Alexandriæ Troadis, unde potius factum Τρωάδους, quàm ex nomine totius tractûs, & unde fuit Hegesianax; nam patria potius urbs dicitur, quàm regio. Non unus vir doctus hinc, ut opinor, in errorem delapsus est. Ger. Joan. Vossius, vir longè doctissimus, de Hist. Græcis Lib. iiii. ubi agit de Hegesianacte, postquam eum Alexandrinum dixit, & scripsisse Troica. Fortasse, inquit, *Hegesianax hic Alexandrinus, ut alii multi, dictus fuit, quia civis ejus urbis esset; licet reverà in Troade natus foret.* Imò *Alexandrinus*, aut *Alexandrensis* & *Troadeus* simul fuit, quia Alexandria & Troas una eademque urbs, ut vidimus. *Hoc cur ita sentiam illud facit, quod satis verisimile sit, Hegesianactem Troicorum scriptorem, eundem esse ac Troadis civem.* Videretur Vossius, si hæc tantum dixisset, animadvertisse Hegesianactem esse Alexandriæ Troadis civem; nam nemo dicitur civis Phrygiæ, civis Lydiæ, aut ullius ejusmodi amplioris terrarum tractûs, sed singularis urbis civis. Postea profert locum Stephani, modò allatum, quem sic in margine vertit: *Troas, regio Iliensis, quæ Teucris & Dardania vocabatur & Xanthe. Gentile autem est Troius. Inde erat Grammaticus Hegesianax, qui de Heracliti dictione librum scripsit, deque vocibus Poëticis. Erat autem Trojanus.* Primum *Troius* non est *Troadeus*, aut *Troadensis*; nam Iliensis quis fuit *Troius*, sed non *Troadeus*. Gentile hoc nomen est ab urbe Troade, illud à Troja. Deinde *Troadeus* non est *Trojanus*, si quis enim *Trojanus* dici eo tempore potuit, oportuit eum natum Ilii; quod oppidum instar veteris Trojæ & quasi in ruderibus ejus conditum habebatur. Ceterum dum festinat *Heraclitum*, pro *Democrito*, posuit. Hæc eò non attuli, quòd *Vossium* minoris ab ullo propterea fieri vellem; quo viro diligentior nemo in Belgio vixit, aut in ejusmodi rebus doctior; sed ne ejus exemplo alii errarent. Cum sic peccarit vir summus, non mirabimur alios pariter esse lapsos. Audiamus hac de re *Carolus Patinum*, eruditissimum alioquin Antiquarium, qui sic loquitur in Numismatibus Antonini, p. 176. ubi agit de nummo Troade cuso, quales multi in Cimeliarchiis adservantur: *Troias, inquit, à Troo (l. Troe) Dardani nepote, hujus regionis rege, primum, deinde Antigoniam ab Antigono, tandem Alexandria à Paride dicta est, quamvis has vicinas quidem sed diversas faciat Strabo: ἔστι δὲ τόπος ἐν τῇ Ἰδῇ τῇ Τρωϊκῇ Ἀλεξάνδρεια λεγόμενος ἐν ᾧ Φασὶ τὸν Πάριον ἀφικεῖναι τὰς θεάς, hoc est, locus prope Idam, in Troade, nominatus Alexandria, in quo fertur Paridem judicasse Deas. Hanc Augustum fecisse coloniam & Augustæ nomen sumxisse facit Strabonis locus.* Hic est multiplex error, partim ex Stephani, cujus nomen in margine habet *Patinus*, loco malè intellecto natus. Primum legi debet, apud Stephanum, *Troas*, quod est gentile foemininum, cujus masculinum est *Tros*, aut *Troius*. Secundò, falsum est dictum primum *Antigoniam* ab Antigono, deinde à Paride *Alexandriam*, ut liquet ex Strabonis loco Lib. xiiii. allato; quamvis Antigoniam nomine oblivioni mandato Alexandria iterum coeperit vocari. Tertiò, non est dicta *Alexandria* ab *Alexandro* Hectoris fratre, sed à Ma-